

之而損人之所教亦我義教之強梁者不得其死吾將以爲教
父

太極名兩儀形三才成品物行卑其稱虛其盈所以全其生
噴靈者以神生者以炁虛而順之可侔天地

天下之至柔章第四十三

天下之至柔馳騁天下之至堅無有人於無間是以無爲之有
益也不言之教無爲之益天下希及矣

天地內外炁盤礴金石以凝以銷爍了無形跡與縫罅物自
生成不知覺噴繩鋸木斷水滴石穿默而識之妙合自然

名與身孰親章第四十四

名與身孰親身與貨孰多得與失孰病是故甚愛必大費多藏
必厚亡知足不辱知止不殆可以長久

名高毀至貨殖盜謀一得一失循環無休惟氣血肉壞不可
復悲哉營營胡不內燭噴有身俱是患身外復何求識得無
形寶無身更自由

大成若缺章第四十五

大成若缺其用不敝大盈若沖其用不窮大直若屈大巧若拙
大辯若訥躁勝寒靜勝熱清靜爲天下正

天道地道人道妙用一以謙虛寒暑自然來往湛兮萬有歸
無噴生天成地內外此炁大哉用乎能空而已